

Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. III. Quodnam sit objectum proximum & immediatum delectationis seu fruitionis beatificæ?

[urn:nbn:de:hbz:466:1-77355](#)

test elici à spe, quæ est de bono arduo & futuro, & quæ proinde in Beatis non manet; sed solum à charitate, ad quam tanquam ad proximiorem virtutem reducitur, & quæ sola ex virtutibus Theologicis remanet in patria.

35. Dices: Actus oppositi non possunt procedere ab eodem habitu: Sed amor amicitiae & concupiscentiae (idem dicendum de delectatione ad utrumque amorem consequente) inter se opponuntur; nam amor amicitiae respicit bonum amici, amor vero concupiscentiae respicit bonum proprium: Ergo in Beatis non possunt procedere a virtute charitatis.

36. Respondeo concessa Majori, negando Minorem: Amor enim concupiscentiae non semper opponitur charitati, sed interdum illi subordinatur, & se habet ut actus ejus secundarius: nam ut supra ex D. Thoma vidimus, per charitatem non solum Deum & proximum, sed etiam nosmetipos diligimus. Neque obstat, quod amor amicitiae respiciat bonum amici, amor vero concupiscentiae bonum proprium: quia bonum proprium non semper opponitur bono amici, sed interdum illi subordinatur, & cum eo connectitur, ut contingit in Beatis; illorum enim beatitudo, & delectatio quam ex ea percipiunt, non opponuntur Deo & bono ipsis, sed illi subordinantur, & ab eo procedunt, cum sint ipsius participatio: unde amor concupiscentiae, quod Beati propriam beatitudinem diligunt, subindeque gaudium quod ex tali amore sequitur, à virtute charitatis, ut ejus actus secundarij procedunt.

37. Objicies secundò: Si actus delectationis in patria non elicatur à virtute spei, maximè quia talis virtus non manet in patria: Sed falsum est quod spes non remaneat in patria: Ergo actus delectationis in patria, à virtute spei elicuntur. Major patet, Minor probatur. In Beatis remanet donum timoris, juxta illud Job. 26. *Columna celi tremescunt. & pavent ad nutum ejus:* quod de Beatis Angelis explicat D. Gregorius: unde etiam D. Thomas 3. p. qu. 7. art. 6. ponit tale donum in Christo, quamvis ab instanti conceptionis beatus fuerit, juxta illud Isaiae 11. *Replebit eum spiritus timoris Domini:* Ergo etiam spes fuit in Christo, & remanet in Beatis. Probatur Consequentia: nam sicut bonum arduum possibile obtineri, est objectum formale spei, ita malum arduum possibile evitari, est objectum formale timoris: Ergo si hoc non obstante in Christo & in Beatis reperitur donum timoris, etiam virtus spei poterit remanere in patria.

38. Respondeo concessa Majori, negando Minorem. Ad cuius probationem, concessò Antecedente, nego Consequentiam. Ad probacionem illius, distinguo Antecedens. Malum arduum possibile evitari est objectum formale timoris, ut est passio, concedo Antecedens, ut est donum Spiritus Sancti, nego Antecedens: objectum enim timoris, ut est donum, est diuina maiestas, & excellentia, ut potens infligere aliquod malum, vel privare aliquod bonum; unde quamvis in Beatis non sit timor qui est passio, benè tamen timor qui est donum Spiritus Sancti. Verum in illis non propterea remanet spes, prout est virtus Theologica: quia in patria, obtinat beatitudine, perit objectum formale illius, ut supra ostendimus. Solutio est D. Thomæ 3. p. qu. 7. art. 1. ubi docet in Christo fuisse donum timoris, & sibi primò objicit: *Vi-*

A detur quid in Christo non fuerit donum timoris: spes enim videtur potior quam timor; nam spei objectum est bonum, timoris vero malum: Sed in Christo non fuit virtus spei, ut supra dictum est; Ergo etiam non fuit in eo donum timoris. Cui argumento sic respondeat: Ad primum dicendum quod habitus virtutum & donorum propriæ & per se recipiunt bonum, malum autem ex consequentiis.... & ideo de ratione doni timoris non est illud malum quod recipit timor; sed eminentia illius boni, scilicet divini, cuius potestate aliquod malum infigi potest. Sed spes secundum quod virtus est, recipit non solum auborem boni, sed etiam ipsum bonum, in quantum est non habitum; & ideo Christo, qui jam habebat perfectum beatitudinis bonum, non attribuitur virtus spei, sed donum timoris. Idem cum proportione dicendum est de Beatis.

ARTICVLVS III.

Quodnam sit objectum proximum & immediatum delectationis seu frustionis beatificæ?

S. I.

C *Quibusdam premisis status difficultatis proponitur.*

NO T A N D V M primò, quod omnis inclinatio, quæ bonum aliquod insequitur, possessione illius quietatur; & quod ex illa possessione resultat terminus quidam, qui in omnibus dicit cessationem motus, in singulis vero ex diversitate inclinationis diversam addit perfectionem, & diversum fortius nomen. Quando lapis possidet centrum, resultat terminus, quies scilicet, quæ præcisè dicit cessationem motus: quando biuta possident bonum apprehensionis, resultat delectatio: quando creatura intellectualis possidet suum bonum intellectuale, resultat terminus, qui dicitur gaudium; & hoc quidem perfectius quiete & delectatione, sicut ipsa inclinationis rationalis perfectionis est sensitivæ, si vero sit possessio ultimi finis, dicitur fructus. Quarimus ergo quodnam sit objectum proximum & immediatum illius delectationis, quæ ex visione beatifica & consecratione ultimi finis oritur, & quæ à Theologis *fructus beatifica* appellatur? Pro resolutione

Notandum secundò, triplicem posse distinguiri in Beatis fructuonem & delectationem: primam quæ delectantur de bono divino, quatenus bonum Dei est: secundam, quæ delectantur de Deo, ut praesente & habito per visionem: tertiam, quæ delectantur de actu visionis beatifica quæ eliciunt. Prima ad amorem amicitiae spectat, duæ vero posteriores ad amorem concupiscentiae. Si ergo loquamur de prima, certum est illam habere pro objecto proximo & immediato ipsum Deum, & visionem solum esse conditionem necessariam requisitam, ut de Deo & bono divino Beati delectantur: habet enim solum rationem cognitionis, cognitio autem solum est conditio objecti voluntatis, ut docetur in Philosophia. Solum ergo difficultas procedit de secunda & tertia delectatione, quæ ad amorem concupiscentiae pertinent.

S. II.

DE PROPRIETATIBVS BEATITVDINIS. 65

S. II.

Duplici conclusione difficultas resolvitur.

41. **D**ico primò, objectum proximum & immediatum illius delectationis, quā Beati delectantur de Deo ut præsente, & habito per visionem, esse ipsum Deum; visionem verò esse objectum secundarium, & non solum conditionem illius. Est contra Durandum, afferentem talem delectationem non habere pro objecto proximo & immediato Deum, sed ejus visionem; & contra plures ex Modernis, qui docent ex Deo & visione componi unum objectum totale & immediatum hujusmodi delectationis, quod est Deus visus.

Probatur prima pars ratione fundamentali. Idem est objectum fruitionis & delectationis patriæ, & spei quam habemus in via, licet diversimodè; id enim quod in via futurum speratur, delectat in patria ut præsens: Sed objectum primarium & immediatum spei, est Deus ut bonum nostrum, non autem visio beatifica: Ergo & delectationis vel fruitionis patriæ. Major patet, Minor probatur primò ex D. Thoma 2. 2. qu. 17. art. 5. ubi ait: *Spei, in quantum est virtus, principale objectum est Deus.* Secundò probatur ratione: Virtus Theologica debet habere Deum pro objecto immediato; alias religio & timor Dei essent virtutes Theologicæ, si sufficeret respicere Deum mediátè: Sed spes est virtus Theologica: Ergo habet Deum pro objecto immediato, non autem visionem beatificam. Quod verò utrumque immediatè non respiciat, eadem ratione convincitur, contra Authores secundæ sententiae. Virtus enim Theologica habet pro objecto proximo & immediato aliquid purè in creatum, non verò aliquid mixtum ex create & in create: Sed visio beatifica est aliquid creatum: Ergo spes (subindeque fruitio & delectatio illi correspondens in patria) utrumque, Deum scilicet & visionem, pro objecto primario & immediato habere nequit, sed solum Deum, ut habet rationem primi veri & summi boni, quō Beatus fruitur per visionem beatam. Unde Augustinus 10. confess. cap. 23. dicit: *Beata quippe vita est gaudium de veritate, hoc est enim gaudium de te qui veritas es.*

42. Probatur secundò eadem pars: Illud est objectum immediatum delectationis patriæ, quod est objectum primarium & immediatum visionis beatificæ: Sed solus Deus, & non visio, est objectum primarium & immediatum visionis beatæ: Ergo solus Deus, & non visio est objectum immediatum delectationis patriæ. Major patet: objectum enim actus voluntatis est illud bonum, quod proponitur per illam cognitionem, ad quam sequitur talis actus voluntatis: Sed nulla est est alia cognitio intellectus, ad quam sequitur delectatio beatifica, quamvis visio: Ergo illud est objectum immediatum delectationis patriæ, quod est objectum primarium & immediatum visionis beatæ. Minor etiam est evidens: quia visio directè proponit tantum Deum ut summum bonum, & summè delectabilem, non verò seipsum, nisi indirectè, secundariò, & per reflexionem, quatenus est eminenti quodam modo cognitio simul directa & reflexa: unde licet ipsa visio sit objectum veluti secundarium & mediatum illius delectationis, quā Beati delectantur de Deo ut præsente & habito per

A visionem, non tamen objectum proximum & immediatum.

Ex hoc probata manet secunda pars conclusionis, quā afferit visionem non esse puram conditionem, sed etiam objectum secundarium talis delectationis & fruitionis, ut expressè docet Capreolus in 1. dist. 1. qu. 1. art. 1. conclu. 5. ubi ait: *Fruitione beatifica non solum transit objectivè super Deum, imò super visionem quā videtur Deus, & eadē fruitione fruimur utroque.* Et ad 1. contra 3. dicit quid super utrumque cadit fruitio, sed principaliter & primariò supra Deum, consequenter supra visionem beatificam.

Confirmatur: Idem est objectum spei & fruitionis, ut suprà dicebamus: Sed ipes est de utroque, de Deo quidem, seu de beatitudine objectiva, primò & principaliter; de visione autem & beatitudine formalí, minus principaliter & secundariò: Ergo & fruitio. Unde inter fruitionem & delectationem, quā Beati delectantur de bono divino, quatenus bonum Dei est, & quæ pertinet ad amorem amicitiae, & illam quā delectantur de Deo ut præsente & habito per visionem, quæ ad amorem concupiscentiae spectat, hoc reperitur discriben, quid in prima visio est solum conditione necessariè requisita, in altera verò non habet solum rationem conditionis, sed etiam objecti secundarij: quia in prima delectatione visio habet solum rationem cognitionis; cognitionis autem solum est conditio objecti voluntatis: respectu verò secundæ non solum habet rationem cognitionis, sed etiam adoptionis; adoptio autem ultimi finis, est objectum secundarium spei in via, & delectationis beatificæ in patria.

Dico secundò: Delectatio quā Beati delectantur de actu visionis beatificæ quam elicunt, quæ etiam ad amorem concupiscentiae pertinet, pro objecto immediato habet ipsam visionem, Deum verò pro objecto mediato & quasi connotato per immediatum.

Hæc conclusio est omnino evidens: Sicut enim qui delectantur de actu scientiae quem elicunt, talen actu pro objecto immediato sua delectationis habet, & id circa quod talis actus versatur, pro objecto mediato: ita similiter, cum Beati de actu visionis beatificæ, quam elicunt, delectantur, ipsa visio est objectum immediatum talis delectationis; Deus autem qui per visionem attingitur, objectum mediatum & quasi connotatum per illam: ècontra verò quando delectantur de Deo ut præsente & habito per visionem, objectum immediatum talis delectationis est Deus, & visio objectum tantum secundarium & mediatum, ut diximus in praecedenti conclusione. Unde D. Thomas in 4. dist. 49. qu. 3. art. 1. quæstiunc. 1. sic habet: *Visio est delectabilis dupliciter, unò modò ex parte objecti visionis, in quantum id quod videatur delectabile est: aliò modò ex parte visionis. in quantum ipsum videare delectabile est; delectantur enim cognoscendo mala, quamvis ipsa mala non delectent: quia ergo visio beatifica est perfectissima, utroque modo delectabilis est.* Ergo non solum Deus, sed etiam ipsa visio, potest esse immediatum objectum delectationis Beatorum, illius saltem quā gaudent de actu visionis beatificæ quem elicunt.

Tom. III.

J

44.

45.

46.

S. III.

Solvuntur objectiones.

47. CONTRA primam partem primat conclusionis objicit primò Durandus: Illud solum est proximum & immediatum objectum delectationis pertinentis ad amorem concupiscentiae, quod est bonum proprium illius qui delectatur: At Deus secundum se non est bonum proprium Beati, sed solum ratione visionis beatificae, per quam ab illo possidetur: Ergo secundum se & per se primò non est objectum talis delectationis, sed tantum secundariò, & ratione visionis. Major est evidens: delectationes enim sequuntur naturam amoris ad quem pertinent: Sed amor concupiscentiae solum circa bonum proprium concupiscentiae versatur: Ergo & delectatio qua ad illum pertinet. Minor enim videatur certa: quia bonum extrinsecum non potest esse proprium, nisi mediante aliquā operatione quā conjungitur: Sed Deus est bonum extrinsecum Beatis, & illis conjugitur mediante visione: Ergo non est bonum proprium Beati, nisi ratione visionis.

48. Confirmatur: In delectationibus corporis & sensibilium, objectum immediatum non est res ipsa quā fruit appetitus, sed ejus possessio & affectio; appetitus enim non delectatur de cibo & potu in se, sed de eo ut actu manducatur & bibitur; & avarus non de ipso auro, sed de possessione ejus gaudet: Ergo similiter objectum immediatum delectationis beatificae, ad amorem concupiscentiae pertinentis, non est Deus ipse, sed ejus possessio & consecutio, quā est ipsa visio beatifica.

49. Ad objectionem, concessa Majori, distinguo Minorem: Deus non est bonum proprium Beati, nisi ratione visionis beatificae, tanquam conditionis illum applicantis intellectui Beati, concedo Minorem: tanquam rationis formalis, nego Minorem. Ad cuius probationem similiter distinguo Majorem: bonum extrinsecum non potest esse proprium nisi mediante aliquā operatione quā conjungatur, tanquam conditione applicante, concedo Majorem: tanquam ratione formalis, nego Majorem, & sub eadem distinctione Minoris, nego Consequentiam.

Explicatur: Quando dicitur quod ignis non calefacit, nisi ut approximatus ligno; & finis non movet voluntatem, nisi ut apprehensus, hoc verum est, si particula, ut, denotet conditionem necessariò requisitam in igne ad comburendum, & in fine ad finalandum, scilicet verò, si exprimat rationem formalem: quia ratio formalis calefaciendi, & finalizandi, non est approximatio, aut apprehensio, sed calor, & bonitas, quae per approximationem & apprehensionem applicantur & conjunguntur passo & appetitu. Ita similiter, cum dicitur quod Deus non est bonum Beati, nisi ratione visionis beatificae, hoc verum est, si ly ratione denotet conditionem seu causam applicantem, non tamen si declareret rationem & causam formalem: nam Deus est bonum Beati ratione sua infinite bonitatis & perfectionis, per quam est summè conveniens creature rationali; licet debeat illi applicari & conjungi per visionem beatam, quā est ejus adeptio & consecutio. Unde ad confirmationem negandum est Antecedens: cum enim quis biberit vinum ad ejus suavitatem degustandam,

A objectum immediatum hujusmodi delectationis est vinum secundum suam bonitatem & suavitatem intrinsecam, ratione cuius est conveniens appetitu, licet degustatio seu potatio requiratur tanquam medium, & tanquam actio quā conjunctio fiat cum objecto. Avarus etiam non delectatur immediate de possessione auri, sed de auro possesto; ita ut aurum sit objectum quod & immediatum sua delectationis, possessio verò solum conditio, per quam ei unitur & applicatur, vel objectum tantum secundarium talis delectationis.

Objicies secundum: Idem est objectum desiderij, seu spei in via, & delectationis in patria: Atqui desiderium, seu spes in via, non habet pro objecto immediato Deum, sed visionem Dei: Ergo nec delectatio. Major patet ex supra dictis, Minor verò probatur. Desiderium & spes formaliter respiciunt bonum futurum acquirendum: Atqui Deus secundum se non est futurus, sed solum Dei visio: Ergo Deus non est objectum immediatum desiderij & spes in via, sed solum visio Dei.

Respondeo concessa Majori, negando Minorem: si enim spes haberet pro objecto immediato & primario Dei visionem, non verò ipsum Deum, non esset virtus Theologica; cum de ratione virtutis Theologica sit immediate respicere aliquid in creatum, & ab illo specificari; ut patet in fide & charitate, quā immediate Deum sub ratione primi veri & summi boni respiciunt. Unde ad probationem Minoris, distinguo Majorem: objectum spei est bonum futurum, ita ut futuritio sit ratio formalis objecti, aut ad illam pertineat, nego Majorem: ita ut sit conditio, concedo Majorem, & Minorem, & nego Consequentiam. Sicut enim esse non videntur non attingitur à fide primò & per se; quia non est ratio formalis, sed tantum conditio vel modus intrinsecus in objecto fidei, quod est veritas prima revelans: ita etiam ratio futuri, vel non habiti, non attingitur à spe per se primò, sed tantum secundariò; quia non est ratio formalis specificativa illius, sed tantum conditio ad illam necessariò requisita, aut modus intrinsecus objecti illius. Idem cum proportione, de delectatione beatifica dicendum est: illa enim est primò & immediata de Deo, & infinita ejus bonitate & suavitate, secundariò verò & mediata de ejus praesentia & visione, quae est tantum conditio ad illam requisita, vel ad summum objectum illius secundarium, ut in secunda parte conclusionis dictum est.

Dices: Id per quod spes differt à gaudio & fruitione, est objectum ipsius, & non solum conditio: Sed spes per hoc solum differt à gaudio, quod gaudium seu fruictus est de bono praesenti & possesto, spes verò de bono futuro & nondum obtento: Ergo futuritio pertinet ad objectum spei, non solum ut conditio, sed etiam ut ratio formalis illius.

Respondeo distingendo Majorem: per quod differt formaliter, concedo Majorem: solum applicative, nego Majorem: futuritio autem & praesentia non sunt diversæ rationes formales in actibus voluntatis, sed diversæ conditiones applicantes diversum modum appetibilitatis & bonitatis; nam futuritio applicat bonum nondum habitum & possestum; praesentia verò bonum habitum & possestum.

Objicies tertio: Idem est objectum delecta-

tionis in Beatis, & tristitia in damnatis: Atqui A
objēctum immediatum tristitia, quam habent
damnati, non est Deus secundūm se, sed caren-
tia divine visionis: Ergo objēctum immediatum
delectationis Beatorum non est Deus, sed visio
beatifica.

Hic argumento responder Caietanus 2. 2.
5. qu. 17. art. 5. negando paritatem: duplēcē autem assignat rationem dīscriminis. Prima est,
quia Beati habent appetitum recte dispositum;
& idēc primō & principaliter gaudent de eo de
quo magis est gaudendum: primō enim ga-
udent de bono divino in se, secundō de bono
divino, quatenus est ipsorum bonum, & tertīo
de ipsa visione: At verō damnati, quia habent
voluntatem deordinatam, non tristantur de eo
quod opponitur bono divino in se, cuiusmodi
est malum culpæ, neque similiter de Deo non
viso, sed tantum de carentia visionis. Secunda
disparitas est, quia Deus secundūm se est objē-
ctum maximē conveniens creatura rationali;
unde secundūm se habet quōd possit esse objē-
ctum delectationis Beatorum: At non habet se-
cundūm se aliquid disconveniens, sed tantum
quatenus infert aliquid malum pœna; & idēc
sub hac tantum ratione est objēctum tristitia in
damnatis.

56. Objicies quartō: D. Thomas infrā quēst. II.
art. 3. ad 3. dicit quōd finis sumptus pro re qua
est finis, & pro adoptione rei, non sunt duo fi-
nes, sed unus finis; ex quo infert cādem fruitio-
ne nos frui Deo, & visione illius: Ergo delecta-
tio seu fruitio beatifica est de utraque imme-
diata.

57. Respondeo concessō Antecedente, negando
Consequentiam: licet enim verum sit cādem
fruitione nos frui Deo, & beatitudine formalī,
qua est adeptio Dei, non tamen cōdem modō;
sed Deo fruimur primō & principaliter, visione
verō, qua est adeptio ejus, secundariō & per
reflexionem, ut in secunda parte conclusionis
declaravimus. Neque hinc sequitur esse duos fi-
nes, Deum & ejus adoptionem: nam ut essent
duo fines ultimi, opus est ut tam Deus, quam
ejus adeptio, haberent dignitatem ultimā dili-
gibilem propter se; hoc enim est de ratione ul-
timi finis: quod hīc non contingit, cū solus
Deus talem bonitatem habeat; adeptio verō
ejus solūm sit id quō Deus talem bonitatem
habens nobis conjungitur.

ARTICVLVS IV.

Vtrum Beati sint impeccabiles ab
intrinseco?

NEGANT Scotus & Nominales in I. dist.
I. qu. 4. afferentes Beatos esse impeccabili-
les solūm ab extrinseco, & ex divina provi-
den-
tia, impediēt ne in peccatum labantur, eos-
que ad Dei amorem continuō determinante &
applicante. Quā sententiam probabilem reputat Salas hīc tract. 2. disp. 7. lect. 8. licet oppo-
situm judicet probabilius, loquendo de visione
quā beatificamur de facto, scīs de alia possi-
bili, qua tam tenuis, inquit, esse potest, ut non
confirmet ab intrinseco in bona voluntate. Op-
positum docent alij Theologi, maximē Thomi-
ste: unde sit

Tom. III.

S. I.

Conclusio affirmativa statuitur.

Dico breviter, Beatos esse impeccabiles ab
intrinseco.

Probatur conclusio multipliciter: Primō, quia
Beatitudo petit ab intrinseco omne bonum af-
ferre, & omne malum auferre: Sed impeccabi-
litas est maximum bonum, peccatum vero sum-
mum malum: Ergo beatitudo postulat ab intrin-
seco excludere omne peccatum, & reddere
beatum impeccabilem.

Secundō probatur: Beatitudo est inamissibi-
lis ab intrinseco, ut ostendemus in ultima dis-
putatione: Ergo petit ab intrinseco excludere,
seu impedire omne id ratione cuius posset amittit:
sicut cōsum, quia ab intrinseco est incorru-
pibile, ab intrinseco petit excludere omne quod
ad illius corruptionē disponeret: At pecca-
tum, si de facto daretur, beatitudinem destrue-
ret; cū beatitudo sit summa felicitas, pecca-
tum vero summa miseria: Ergo beatitudo ab in-
trinseco petit peccatum excludere, si commissum
inveniat, & commitendum impedire.

Tertiō probatur: Licet repugnet creaturæ es-
se impeccabilem per naturam, ei tamen conve-
nire potest impeccabilitas per gratiam: At nulla
gratia ad hunc effectum prāstantum aptior est,
quam gratia consummata patriæ, cū illa sit
perfectissima, & veluti in suo centro & statu
connaturali: Ergo illa reddit Beatos ab intrin-
seco impeccabiles: unde i. Petri 1. vocatur *in-
corruptibilis & incontaminata hereditas*.

Confirmatur: Gratia patriæ est multō perfe-
ctor, saltem quantum ad modum operandi,
quam quilibet gratia viæ; cū illa reguletur
per lumen gloriæ, & claram Dei visionem, ita
verō per fidem & cognitionem obscuram: Sed
gratia viæ interdum confirmat & immobilitat
hominem in bono, illumque reddit impeccabi-
lem, etiam venialiter, ut patet in Beata Virgi-
ne: Ergo à fortiori gratia patriæ id præstat in
Beatis & comprehensoribus.

Neque valet, si dicas donum confirmationis
& impeccabilitatis in Beata Virgine, & in aliis
Sanctis confirmatis in gratia, non provenire ab
aliqua perfectione intrinseca gratia, sed ab ex-
trinseco favore & manutentia Dei; quā etiam
ratione omnes Beati sunt impeccabiles, juxta
sententiam Scoti. Non valet, inquam, nam
(præterquam quōd hoc falsum est, ut demon-
stant nostri Thomistæ in tractatu de gratia; ubi
docent in viatoribus donum confirmationis in
gratia non solūm consistere in providentia Dei
extrinseca, occasione peccandi tollente, sed
etiam in aliqua perfectione intrinseca gratia,
qua attendit secundūm quandam participa-
tionem gratiæ & charitatis patriæ; de quo vi-
deri potest Alvarez disp. 104. de auxiliis) hoc
datō, non infringitur vis argumenti propositi:
Gratia enim patriæ, cū sit perfectior, & in suo
statu connaturali, aliquid amplius expofcit
quam gratia viæ: Ergo si gratia viæ extrinseco
favore & manutentia Dei interdum reddit
hominem impeccabilem, gratia consummata
patriæ id ex natura sua, & ex perfectione sibi
intrinseca præstare perit.

Quarto probatur conclusio: Sicut se habet
voluntas damnatorum ad malum, ita ad minus
se habet voluntas Beatorum ad bonum: Sed

I ij

63.